



Jadual Pembacaan Khutbah Jumaat

Siri 4/ 2023

(Bulan April Tahun 2023)

تاريخ	تاجوق	ب
7 April 2023M/ 16 Ramadan 1444H	Al Quran: Jati Diri Umat Islam	1.
14 April 2023M/ 23 Ramadan 1444H	Pecutan Di Akhir Ramadhan	2.
21 April 2023M/ 30 Ramadan 1444H	Ramadhan Akan Pergi	3.
28 April 2023M/ 7 Syawal 1444H	Kekal Beramal Ketika Syawal	4.
Khutbah Kedua Bulan April		

Dibiayai oleh:



Zakat Pulau Pinang

Diterbitkan oleh:



Jabatan Hal Ehwal Agama
Islam Pulau Pinang



Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Kekal Beramal Ketika Syawal

(28 April 2023M/ 7 Syawal 1444H)

أَلْحَمْدُ لِلَّهِ الْمَحْمُودِ عَلَى كُلِّ حَالٍ، وَنَعُوذُ بِاللَّهِ مِنْ حَالِ أَهْلِ الضَّلَالِ وَالْكَسَلِ.
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ الْكَبِيرُ الْمُتَعَالِ،
وَأَشْهَدُ أَنَّ سَيِّدَنَا وَنَبِيَّنَا مُحَمَّدًا عَبْدُهُ وَرَسُولُهُ، جَبَلَهُ رَبُّهُ عَلَى جَمِيلِ الْفِعَالِ،
وَكَرِيمِ الْخِصَالِ.
صَلَّى اللَّهُ وَسَلَّمْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ خَيْرِ صَحْبٍ وَآلٍ،
وَالتَّابِعِينَ وَمَنْ تَبِعَهُمْ بِإِحْسَانٍ إِلَى يَوْمِ الْمَالِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ! أَوْصِيكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

SIDANG JUMAAT YANG DIRAHMATI ALLAH SEKALIAN,

Pada hari Jumaat dan di rumah Allah yang mulia ini, saya berpesan kepada diri saya terutamanya dan kepada sidang Jumaat sekalian, marilah bersama-sama kita meningkatkan keimanan dan ketakwaan kita kepada Allah **سُبْحَانَهُ وَتَعَالَى** dengan melaksanakan segala perintah-Nya dan meninggalkan semua larangan-Nya. Semoga dengan cara ini kita akan menjadi umat terbaik yang akan memperoleh kesejahteraan dan kebahagiaan hidup di dunia dan di akhirat.

Marilah kita tumpukan perhatian kepada khutbah yang akan disampaikan. Cukup-cukuplah kita dengan perbuatan-perbuatan yang



merosakkan ganjaran pahala Jumaat kita. Usah bercakap-cakap, simpanlah telefon bimbit untuk seketika. Semoga khutbah yang disampaikan dapat diambil panduan dan pesanannya. Pada hari ini, khatib juga ingin mengajak sidang Jumaat sekalian, agar sama-sama kita panjatkan kesyukuran di atas segala nikmat yang dilimpahkan kepada kita, sehingga dipertemukan lagi pada hari Jumaat yang mulia ini.

Hari ini kita masih meraikan Syawal, dengan pelbagai kegembiraan bersama insan tersayang, keluarga tercinta dan sahabat handai. Dalam pada itu, jangan dilupa, bahawa Ramadhan al-Mubarak baru sahaja berlalu meninggalkan kita. Justeru, pada hari ini mimbar ingin membicarakan khutbah bertajuk: **“Kekal Beramal Ketika Syawal.”**

SIDANG JUMAAT YANG DIMULIAKAN,

Syawal adalah bulan kembalinya umat Islam kepada fitrahnya. Setelah sebulan kita melaksanakan ibadah puasa di bulan Ramadhan, bulan melawan hawa nafsu, meninggalkan dosa maksiat serta meningkatkan amal ibadah. Kini, Syawal datang sebagai permulaan untuk kita terus dan kekal melaksanakan perkara-perkara baik yang pernah kita lakukan. Semoga kita terus istiqamah dengan perubahan ini sepanjang hayat kita.

Pada bulan Syawal juga, kita amat digalakkan untuk melaksanakan puasa sunat enam hari sebagai lanjutan daripada puasa Ramadhan. Semoga Allah **سُبْحَانَهُ وَتَعَالَى** mengurniakan kita kekuatan fizikal dan mental untuk melaksanakan ibadah tersebut, kerana ganjaran amatlah besar. Sabda Rasulullah **صَلَّى اللهُ عَلَيْهِ وَسَلَّمَ**:



مَنْ صَامَ رَمَضَانَ ثُمَّ أَتْبَعَهُ سِتًّا مِنْ شَوَّالٍ كَانَ كَصِيَامِ الدَّهْرِ

Maksudnya: “Sesiapa yang berpuasa Ramadhan kemudian meneruskan dengan enam hari di bulan Syawal adalah seperti dia berpuasa selama setahun.” ﴿Hadis Riwayat Imam Muslim﴾

Di dalam riwayat yang lain Rasulullah ﷺ juga bersabda:

صِيَامُ شَهْرِ رَمَضَانَ بِعَشْرَةِ أَشْهُرٍ، وَصِيَامُ سِتَّةِ أَيَّامٍ مِنْ شَوَّالٍ بِشَهْرَيْنِ،
فَذَلِكَ صِيَامُ سَنَةٍ

Maksudnya: “Puasa di bulan Ramadhan seperti (berpuasa) 10 bulan dan puasa 6 hari di bulan Syawal pula seperti (berpuasa) 2 bulan. Demikian itu seperti berpuasa setahun.”

﴿Hadis Riwayat An-Nasa'i﴾

HADIRIN SIDANG JUMAAT SEKALIAN,

Manusia adalah makhluk yang tidak pernah terlepas dari kelalaian dan melakukan dosa. Oleh sebab itu, Islam mengajarkan umatnya, supaya terus-menerus memperbaiki diri untuk menjadi muslim yang lebih baik. Jika kesempurnaan ibadah haji seseorang boleh dinilai dari perlakuannya setelah mengerjakan ibadah tersebut, begitu jugalah kesempurnaan ibadah di bulan Ramadhan boleh dinilai setelah berlalunya Ramadhan.

Seandainya amalan baik yang kita lakukan sepanjang bulan Ramadhan masih berterusan dan dapat ditingkatkan, ini menggambarkan bahawa kita telah berjaya melalui proses didikan dalam madrasah



Ramadhan. Sebaliknya jika amalan baik yang kita lakukan di bulan Ramadhan tidak dapat kita teruskan malah semakin berkurang, maka ambillah peluang ini untuk memperbaiki diri di bulan Syawal. Semoga dengan usaha ini, kita tidak kecundang di bulan-bulan berikutnya. Firman Allah **سُبْحَانَهُ وَتَعَالَى** dalam surah Taha ayat 75:

وَمَنْ يَأْتِهِ مَوْمِنًا قَدْ عَمِلَ الصَّالِحَاتِ فَأُولَئِكَ لَهُمُ الدَّرَجَاتُ الْعُلَى ﴿٧٥﴾

Maksudnya: *“Dan sesiapa yang datang kepada-Nya (Allah) sedang ia beriman, serta ia telah mengerjakan amal-amal soleh, maka mereka itu akan beroleh tempat-tempat tinggal yang tinggi darjatnya.”*

HADIRIN YANG BERBAHAGIA,

Bagi mendapatkan motivasi untuk kita kekal beramal di bulan Syawal serta bulan-bulan berikutnya, beberapa perkara ini boleh kita lakukan:

Pertama: Bermuhasabah diri iaitu dengan menilai diri sendiri terhadap amal ibadah yang telah kita lakukan pada bulan Ramadhan. Muhasabah dapat membantu kita mengenal diri serta menilai amalan-amalan kita. Dengan cara ini, kita akan dapat memperbaiki amalan-amalan tersebut supaya menjadi lebih baik pada masa hadapan.

Muhasabah boleh dilakukan dengan bertanyakan soalan kepada diri sendiri. Sebagai contoh, apakah ibadah yang telah kita lakukan sepanjang bulan Ramadhan? Adakah kita ikhlas melaksanakan ibadah itu? Apakah yang menjadikan kita bersemangat melakukan ibadah di bulan Ramadhan?



Kedua: Bermujahadah iaitu kita berusaha bersungguh-sungguh untuk mengekalkan amal ibadah dan kebaikan yang telah kita lakukan di bulan Ramadhan.

Pada bulan Syawal ini dan bulan-bulan berikutnya, teruskan memperbanyakkan puasa dan solat sunat, sedekah, melakukan amal-amal kebajikan seperti menyebarkan salam dan membantu orang yang dalam kesusahan, istiqamah melaksanakan solat jemaah di masjid, memperbanyakkan zikir mengingati Allah, membaca Al Quran, berdoa dan sebagainya. Kita perlu kuatkan tekad untuk mengekalkan amal ibadah serta kebaikan yang kita lakukan. Lawan setiap godaan yang melekatkan diri kita sama ada dari dalam diri mahupun dari persekitaran.

Ketiga, muraqabah iaitu berusaha mentaati Allah dengan penuh ikhlas, merasakan kehadiran Allah **سُبْحَانَهُ وَتَعَالَى** dalam hidup. Usaha sebegini akan meningkatkan keyakinan di dalam hati kita, bahawa Allah sering melihat dan mengawasi kita. Dengan keyakinan itu, kita akan merasa takut untuk melakukan segala perkara yang dilarang oleh Allah. Justeru hanya amalan baik yang akan kita kerjakan. Firman Allah dalam surah Asy-Syams, ayat 9 hingga 10:

قَدْ أَفْلَحَ مَنْ زَكَّاهَا ۝ وَقَدْ خَابَ مَنْ دَسَّاهَا ۝

Maksudnya: “*Sesungguhnya berjayalah orang yang menjadikan dirinya (yang sedia bersih) bertambah-tambah bersih (dengan iman dan amal kebajikan). Dan sesungguhnya hampalah orang yang menjadikan dirinya (yang sedia bersih) itu susut dan terbenam kebersihannya (dengan sebab kekotoran maksiat).*”



HADIRIN SIDANG JUMAAT YANG DIRAHMATI ALLAH,

Syawal juga merupakan bulan *silaturrahim* dan ukhuwah. Di bulan inilah umat Islam akan mengadakan amalan kunjung-mengunjungi, bertemu sanak saudara dan rakan-rakan, mengadakan jamuan makan, rumah terbuka dan sebagainya.

Namun begitu, dalam keriangannya haruslah berwaspada, dalam kegembiraan mestilah menjaga batasan. Janganlah terlalu bergembira sehingga melakukan pembaziran, janganlah terlalu bersuka sehingga meninggalkan ibadah dan jangan terlalu bergaya sehingga mengabaikan aurat.

Mengakhiri khutbah, mimbar menyeru jemaah sekalian untuk merenung beberapa peringatan berikut:

Pertama: Ingatlah dan insafilah semasa masih sihat, masih berkuasa dan masih bertenaga. Ayuhlah kita bersungguh-sungguh menunaikan ibadah kepada Allah dan mengharapkan keredaan-Nya.

Kedua: Kesungguhan kita melakukan ibadah pada bulan Ramadhan hendaklah diteruskan secara istiqamah di bulan Syawal dan bulan-bulan berikutnya. Kita adalah hamba Allah bukan hamba Ramadhan.

Ketiga: Jauhi segala perbuatan dosa, maksiat dan mungkar. Perbanyakkanlah istighfar semoga segala kesalahan yang dilakukan selama ini akan diampunkan oleh Allah **سُبْحَانَهُ وَتَعَالَى**.

Firman Allah dalam surah Al-'Alaq, ayat 6 hingga 8:



كَلَّا إِنَّ الْإِنْسَانَ لِرَبِّهِ لَكَنَّاظٍ ﴿٦﴾ أَنْ رَءَاهُ أُسْتَعْفَىٰ ﴿٧﴾ إِنَّ إِلَىٰ رَبِّكَ الرُّجْعَىٰ ﴿٨﴾

Maksudnya: “Ingatlah! Sesungguhnya jenis manusia tetap melampaui batas (yang sepatutnya atau yang sewajarnya). Dengan sebab ia melihat dirinya sudah cukup apa yang dihajatinya. (Ingatlah) sesungguhnya kepada Tuhanmulah tempat kembali (untuk menerima balasan).”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.





خطبة كدوا بولن أفريل

2023M/ 1444H

الْحَمْدُ لِلَّهِ عَلَىٰ آلَائِهِ وَإِحْسَانِهِ، وَالشُّكْرُ لَهُ عَلَىٰ تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِشَأْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَىٰ رِضْوَانِهِ.
صَلَّى اللَّهُ وَسَلَّم عَلَىٰ سَيِّدِنَا مُحَمَّدٍ وَعَلَىٰ آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعَلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلِّمْ عَلَىٰ عَبْدِكَ وَرَسُولِكَ مُحَمَّدِ بْنِ الْبَشِيرِ النَّدِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنِ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَىٰ يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

Dalam kesempatan ini, mimbar ingin menyeru agar sama-sama kita menjadikan keselamatan diri, keluarga dan pengguna jalan raya yang lain sebagai keutamaan di sepanjang musim perayaan terutamanya pada perayaan Aidilfitri.

Muslimin dan muslimat juga diingatkan agar tidak melakukan tujuh kesalahan utama lalu lintas iaitu memotong barisan, memotong di garisan berkembar, tidak mematuhi isyarat lampu merah,



memandu melebihi had laju, menggunakan telefon bimbit semasa memandu, tidak memakai tali pinggang atau topi keledar dan memandu di lorong kecemasan.

Allah **سُبْحَانَهُ وَتَعَالَى** melarang para hamba-Nya yang beriman daripada melakukan apa sahaja perbuatan yang boleh membinasakan diri sendiri, sepertimana Allah berfirman dalam Surah Al-Baqarah, ayat 195 yang bermaksud:

"Dan janganlah kamu sengaja mencampakkan diri kamu ke dalam bahaya kebinasaan; dan baikilah (dengan sebaik-baiknya segala usaha dan) perbuatan kamu; kerana sesungguhnya Allah mengasihi orang-orang yang berusaha memperbaiki amalannya."

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوَلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibn Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.



اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَن بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ
الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٥١﴾ فَادْكُرُوا اللَّهَ الْجَلِيلَ يَذْكُرْكُمْ،
وَاشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٥٢﴾

